

C. CORNELII

TACITI

OPERA

QVÆ EXSTANT

EX IUSTILIPSI editione vltima:
& cum eiusdem ad ea omnia

COMMENTARIIS

aut NOTIS.



ANTVERPIÆ,


Apud Christophorum Plantinum.

clo. lo. Lxxxv.


STEMMA AVGVSTÆ DOMVS.



IVS TVS LIPSIVS IANO LERNVTIO S. DICO. Stemma Augustæum, Iane Lernuti, rem à se imple-
xum, & in historia multi vsus, digestum à me compositumque tibi mitto. Tentatum ante alios: sed, libere dixerim,
tentatum potius, quàm perfectum. Nec enim pauca correctà à nobis, pluraque eruta: & in te tenuiter indaganda
non tenuis labor. Que clara promptaque visa, non firmavi: aliis addidi notas, quas scies indices esse numerorum
nouve editionis. Fateor tamen esse que fugerint me, fugiantque etiam tuane, que vestigis odorari potui tantum.
velut de Apuleia Varilla, quam fororis Augusti nepiem nosser ait, pag. 26. item de Claudia Pulchra, quam sobrinam
ponit Agrippinæ uxori Germanici, pag. 58. Nec adsequor, quia nihil inuentum nobis de marito aut stirpe Marcelle
minoris: à qua hæc derivem. Tibi quidem, Lernuti, qualecumque hoc munus, ut vixit tuus est, placet, scire
vinamque in reliquis meis scriptis, alij pariter aut iudicem tecum aut erent. Vale mi ocellie, cum Gifelino tuo meoque quibus in laetitia
concordia vivum hoc certamen est, vter me magis amet.



*Hæc Augusti Stemma, quod ad sanguinem quidem attingit. Superest vxoria stirps que ad finitatem primæ,
Mox adoptione infra in domum Augustam. Eam, lucis causa, seorsum hæc expressi.*



AD LECTOREM.



N tibi, Lector, tertiam editionem Taciti nostri, & nisi fallor, postremam. in qua ut fidei & industriæ nostræ ratio tibi constet, pauca præmonebo. Scriptorem hunc correximus ab ingenio interdum, plerumque à libris. Libri quibus usus sumus, isti. Vaticana exemplaria duo: è quibus alterum sanè vetus & bonum, ex bibliotheca magis arcana mihi depromptum. Farnesianus codex: quem suppeditavit nobis humanissimus Fulvius Ursinus. Ea olim Romæ ipsi vidimus, & cum iudicio (ut captus quidem noster fuit) legimus, contulimus: certè cum fide. Codex item Venetus editionis antiquæ. Atque hæc mihi adiumenta in prima editione. Accessère nunc alia ab amicis. Manuscriptum exemplar, meo nomine & gratia, in Hispaniis Toleti legit & cum vulgatis composuit Andreas Schottus optimus doctissimusque vir: qui excerpta ad me misit & notas. Id exemplar est in bibliotheca viri illustris Antonij Couarruixæ Leiva: cuius insigni doctrinæ & disertæ in scribendo elegantix verum & sine fraude testimonium reddo. Id exemplar in citando aliàs Hispanum, aliàs Couarruixæ nomino: minus tamen sæpe auxilio eius usus, quia & tardè ad me venit plerisque istis iam perfectis, & ut rem dicam, non optimæ notæ. Aliud item mihi auxilium à politissimo & doctissimo Francisco Modio. qui dum in Germania agit apud insignem litteratorum patronum Erasmus Neustetterum, cognomento Sturmerum, (virum genere & dignitate inter primos) nactus exemplar quoddam est manu Rodolphi Agricolæ adnotatum: quod usui nobis fuit, ut videbis. Multa enim cruditus ille vir observarat, & ad margines libri sui rettulerat: sed ita, ut iure ambigas prompta ea è vetustioribus libris sint, an ab ipso. Multa enim agnosco audacius & licentius inuenta, & longius à verbis aberrantia: quæ videantur mihi à subtilis ingenij fonte. quædam etiam eiusmodi, quæ etsi non à libris, commendent se tamen lectori audacia quadam verecunda. Sed idem ille noster Modius etiam Romanam editionem veterem comparavit cum vulgata: eaque multis locis vera, aut dux nobis ad veritatem. Denique idem etiam codicem manuscriptum Bambergæ allatum, quem Amplissimus Neustetterus emit. sed qui nihil præter Germaniam Taciti haberet, è quo ipso non optimo tamen locos aliquot correxisse videmur non lævè. Hæc de fide. quam in iis quæ ipse inspexi siue contuli, culpabis numquam: etiam

C. CORNELII TACITI
 AB EXCESSV DIVI AVGVSTI
 ANNALIVM LIBER PRIMVS.
 BREVIARIVM LIBRI.

AVGVSTVS Nola mortem obit. Tiberius succedit, tardè & cupidinem dissimulans. Pannonicas legiones tres grauis seditio incessit. ea, misso Druso Tib. F. agrè componitur. Idem in Germania inferiore motus, qui consistit, non sine sanguine & cade. Germanicus Caesar in hostem ducit: eaque expeditione Marsi, Tubantes, Bructeri, Vsiptes vastantur casti. Iulia Augusti F. Rhegii vitam finit. Sodales in honorem Augusti, & ludii Augustalia instituti. Germanicus iterum Ehenum transmittit, in Chastos ducit agros, domos, homines, vastat, vrit, cadit. Segetes obsidione Arminij liberatur. Ob hac Imperator consalutatus. Bellum deinde in Cheruscos gestum, reliquia Vari & militum lecta: ipsa suprema soluta. Romani in reditu, sub Cacina duce, periclitati, tamen hostes prospera eruptione fusi, fugati. Maicisatis lex reducta & asperè exercita. Tiberis inundat. Theatralis tumultus est: & per eam causam decreta patrum expressa ad coercendos histriones. Postremo altum de subducendis Tiberi aquis. eor. nomine querela ciuitatum Italia & legationes. Hac biennio ferè gesta,

SEX. POMPEIO, ET SEX. APVLEIO COSS.

NERONE CLAVDIO DRVSO CÆSARE, ET C. NORBANO COSS.



VRBEM ROMAM à principio reges habuere. Libertatem, & Consulatam L. Brutus instituit. Dictatura ad tempus fuit inebantur: neque Decemviralis potestas vltra biennium, neque Tribunorum militum consulare ius diu valuit. Non Cinnar, non Sullæ longa dominatio. & Pompeij Crassique potentia, citò in Cæsarem: Lepidi, atque Antonij arma, in Augustum cessere. qui cuncta discordijs ciuilibus fessa, nomine Principis sub imperium accepit. Sed veteris * reip. prospera vel aducta, claris scriptoribus memorata sunt: temporibusque Augusti dicendis non defuere decora ingenia, donèc gliscente adulatione detererentur. Tiberij, Caiique, & Claudij, ac Neronis res, florentibus ipsis, ob metum falsæ, postquam occiderant, recentibus odijs composita sunt. Inde consilium mihi pauca de Augusto, & extrema tradere: mox Tiberij principatum, & cetera. sine ira, & studio, quorum causas procul habeo. Postquam Bruto, & Cassio cæsis, nulla iam publica arata, Pompeius apud Siciliam oppressus, exutoque Lepido, interfecto Antonio, de Iulianis quidem partibus, nisi Cæsar dux reliquus: posito Triumviri nomine, Consulè se ferens, & ad tuendam plebem Tribunicio iure contentum, vbi militem donis, populum annonâ, cunctos dulcedine otij pellexit, insurgere paulatim, muria Senatus, magistratuum, legum in se trahere, nullo aduerfante. cum ferocissimi per acies, aut proscriptione cecidissent: ceteri nobilium, quanto quis seruitio promptior, opibus & honoribus extollerentur: ac nouis ex rebus aucti, tuta & presentia, quàm vetera & periculosa mallent. Neque prouinciæ illum rerum statum aboueant, suspecto Senatus populique imperio ob certamina potentium, & auaritiâ magistratuum: inualido legum auxilio, quæ vi, ambitu, postremo pecunia turbabantur. Ceterum Augustus subsidia dominationi Claudium Marcellum, sororis filium admodum adolescentem, Pontificatu & curiæ Adlitate: M. Agrippam ignobilem loci, bonum militia, & victoriæ socium, geminatis consularibus exulit: mox defuncto Marcello, generum sumit: Tiberium Neronem, & Claudium Deulum priuignos, imperatoris nominibus auxit, integra etiam domo suâ nam genitos Agrippa Caium ac Lucium, in familiam Cæsarium induxerat. nec dum posita puerili pretexta, Principes Iuuentutis appellari, destinare consules, specie recusantis flagrantissime cupuerat. Vt Agrippa vita concessit, L. Cæsarem euntein ad Hispanienses exercitus, Caium remeantem Armenia, & vulnere inualidum, mors fato prope, vel noverce Liuiæ dolus abstulit, Drusoque pridem extincto, Nero solus è priuignis erat:

* Vtriusque adfector se legenti. valgo tamen populi Romani consuetudine.

A illuc